

## ZAWNAWLNA

1. Information dil chungchanga hriat tur tlangpuite	9
2. Information pek hun chhung	13
4. Fee pek tur leh pek ngai zat tlangpuite	15
5. Zualko vawi 1-na chungchang	17
6. Zualko vawi 2-na chungchang	19
7. Third Party Information	20
8. Hrem theihnate (Penalties)	21
9. Central Sorkar-in a din RTI Act-in a huam tel ve loh Organisation-te	23
10. Mizoram Sorkar-in a din RTI Act-in a huam tel ve loh Organisation-te	24
11. RTI success stories	25
12. RTI hmanga dil chungchang	32
13. RTI dan hnuaia thil tangkai hriat tul thenkhatte	34
14. The RTI Act 2005	36
15. The Mizoram RTI Rules, 2006	92
16. The Mizoram RTI Rules, 2010	104

\*\*\* “The real Swaraj will come not by the acquisition of authority by a few but by the acquisition of capacity by all to resist authority when abused”.

{Mi tlemtein thuneihna an chan vang maiin mahni rorelna dik tak “Real Swaraj” hi lo awm tur a ni lova. Thuneihna hmang sualtu dodal tur a mitinin chakna thahrui an sawmkhawm atang chauhin a lo awm tur a ni zawk. }

- Mahatma Gandhi

\*\*\* “The implementation of the Right to Information Act is an important milestone in our quest for building an enlightened and at the same time a prosperous society. We must guard against the growth of professional middlemen in the use of this Act as seen in some other countries. Right to information is not a substitute for good governance. It has to support and aid the process of good governance”.

- Dr. Manmohan Singh

**CHAPTER - 1**  
**INFORMATION DIL CHUNGCHANGA**  
**HRIAT TUR TLANGPUITE:**

1. RTI Act, 2005 hnuaiah, India khua leh tui ( Indian Citizen) zawng zawngin, thil hriat duh hriat theihna chanvo (right) an nei vek a ni.

[Section 3 of the RTI Act, 2005]

2. RTI hmang a information diltu reng rengin, a khawihtu Department dik tak SPIO hnenah dilna chu thehluk thin tur a ni a; dilna theh luh hmain thil hriat duh chu khawi Public Authority chan chhunga mi nge a nih hriat chian phawt a tha a ni.

[Part III(2) of Guide Book on RTI Act,2005 ]

3. RTI Act, 2005 hnuaiah Information dilna form siam hran a ni lova, Lehkhapuan pangngai (plain paper)-in dilna hi theh luh theih a ni a. Mahse, diltu hming leh Postal address kim chang dilnaah chuan tih lan tur a ni.

[Part I(22) of Guide Book on RTI Act,2005 ]

4. Information chu English or Hindi or dilna hmun a tawng tlanglawn ber hmangin emaw a dil theih a. Ziakin or Electronic hmanraw hmangin (in writing or through Electronic means) thehluk tur a ni.

[Section 6(1) of the RTI Act, 2005]

5. Information dilnaah chuan chiang tak a thil hriat duh chu ziakin, State Public Information Officer (SPIO)-ah emaw State Assistant Public Information Officer (SAPIO)-ah emaw theh luh tur a ni.

[Section 6(1)(a)&(b) of the RTI Act, 2005]

6. Information dilna man (Application Fee) hi Rs.10/- a ni a; Pawisa fai or Indian Postal Order (IPO) or Bankers Cheque or Demand Draft or Treasury Challan hmangin a pek theih a ni. Dilna theh luhna SPIO/SAPIO hne atangin Receipt lak tur a ni.

[ Rule.3(1)&(2) of the Mizoram RTI Rules, 2010]

7. Diltu chu Below Poverty Line (BPL) a nih a, thil hriat duh chu BPL kaihhnawih lam thil a nih bawk chuan, Fee pek a ngai lo. Mahse, dilnaah chuan BPL a nihna tichiang thei tur (certified photo copy) a thil tel tur a ni.

[Provisio of Section 7(5) of the RTI Act,2005]

[Rule 6(a) of the Mizoram RTI Rules, 2010]

[Part 1(21) of Guide Book on RTI Act, 2005]

8. Information diltu chuan dil chhan emaw, diltu mimal chanchin (personal details) emaw dilnaah chuan ziak lan a ngai kher lo.

[Section 6(2) of the RTI Act, 2005]

9. RTI Act chuan 'information chu Indian Citizen-te hnenah chauh pek tur,' a ti a. Pawl (Association/Corporation/Company, etc) hminga information dil chu pek a rem lo. A chhan chu, heng Pawl/Association ang chite hi legal entities/persons nimahse, citizen an ni lo a ni.

Part I (17) of Guide Book on RTI Act, 2005]

[Decision No.CIC/WB/A/2006/00590, 639, 677, 754 to 758 dt.16.5.2009]

10. Information duh chu kum 20 chhunga mi a nih chuan dil theih a ni.

[Section 8(3) of the RTI Act, 2005]

11. Information dil reng rengin, subject hrang hrang dilna pakhatah ziak teuh tur a ni lova. Dilna pakhatah subject pakhat chauh zel ziah tur a ni. Subject hrang hrang dil duh chuan dilna a hrang zel a siam tur a ni.

[ Part III(3) of Guide Book on RTI Act, 2005]

12. Application Fee pek bakah information dil chhuah duh kha, a copy siam ngaite a nih chuan, copy siam man diltuin a hran a pek leh a ngai tih hriat tur a ni.

[Part III(5) of Guide Book on RTI Act,2005]

[Rule 4 of the Mizoram RTI Rules, 2010]

13. Information duh chu hun tiam chhung a SPIO-in a pek lohin emaw, SPIO-in chhanna a pekah diltu a lungawi lohin emaw, Departmental Appellate Authority (DAA)-ah hun tiam chhungin First Appeal theh luh theih a ni a. Chumi hnuah diltu chu a la lungawi lohin emaw, DAA-in hun ruat chhunga thuremna a siam loh emaw chuan, Information Commission-ah

Second Appeal theh luh leh theih a ni.

[ Section 19(1)&(3) of the RTI Act, 2005]

14. Zirlai emaw, Exam chi hrang hrang beitu (Candidate) te'n an chhanna Answer Papers chu an duh chuan an en thei a; a certified copy pawh an dil chhuak thei a ni. Amaherawhchu, ennawn leh (re-evaluate) erawh chu RTI Act-in a huam chhunga mi a ni lo.

[Supreme Court Judgement dt.09.08.2011 vide Civil Appeal No.6454 of 2011]

10. Information duh chu kum 20 chhunga mi a nih chuan dil theih a ni.

[Section 8(3) of the RTI Act, 2005]

15. Heng a hnuaia point tarlanah te hian diltu in Information Commission-ah complaint a thehlut thei a ni:-

- i) Public Authority-in SPIO a ruat loh vang a dilna theh luh theih loh a nihin emaw,
- ii) SPIO-in dilna a dawn duh loh in emaw, dilna or appeal SPIO or DAA hnenah a thawn duh loh in emaw,
- iii) RTI Act hnuai a information dilna hnial a nihin emaw,
- iv) Hun ruat chung a ngaihvenna lam hmuh tur a awm loh in emaw,
- v) Fee pek chung changah dik tawk lo awm ni a diltuin a hriatin emaw,
- vi) Diltuin information kim lo pe nia a in hriatin emaw, mi hruai diklo thei zawnga information pek nia a hriatin emaw, chhanna diklo pe nia a hriatin.

[ Part III(12) of Guide Book on RTI Act, 2005]

**CHAPTER – II**  
**INFORMATION PEK HUN CHHUNG**

**[ Furnishing of information]**

1. RTI Act, 2005 dan hnuai fee pe a information dil chu, SPIO-in dilna a dawn atanga ni 30 chhungin chhanna a pe tur a ni. Pek theih loh chi a nih chuan a chhan ziakin diltu chu a hrih tur a ni.

[Section 7(1) of the RTI Act, 2005]

2. Mahse, mi nunna emaw, zalenna khawih chungchang (if it concerns the life or liberty of a person) a nih chuan darkar 48 chhungin SPIO-in chhanna a pe tur a ni.

[Provisio of Section 7(1) of the RTI Act, 2005]

3. SPIO-in hun bituk chhunga thil hriat duh chhanna a pek loh chuan, information pe duh lo anga ngaih a ni a, diltuin a man awmlo (free of charge)-in thil hriat duhte chu a la thei a ni.

[Section 7(2)&(6) of the RTI Act, 2005]

4. Dilna chu State Assistant Public Information Officer (SAPIO ) hnena theh luh a nih chuan, SAPIO chuan dilna chu ni 5 chhungin SPIO hnenah a thawn ang a, SPIO chuan diltu hnenah, information pek hun ruat pangngai bakah ni 5 belhin chhanna chu ziakin a pe tur a ni.

[Part I(28) of Guide Book on RTI Act, 2005]

5. Human right bawhchhia a puhna (allegations of violation of human rights) a nih chuan ni 45 chhungin, State Information Commission remtihna la hmasain, chhanna pek tur a ni a, Eiru a puhna (allegations of corruption) a nih chuan ni 30 chhunga chhanna pek tur a ni.

[Provisio of Section 24(4) of the RTI Act, 2005]

7. Table-ah hian Information pek hun hnukung ber (maximum time limit) entir a ni :-

Sl. No.	SITUATION	TIME LIMIT FOR DISPOSING OFF APPLICATIONS
1.	Supply of information in normal course.	30 days.
2.	Supply of information if it concerns the life or liberty of a person.	48 hours.
3.	Supply of information if the application is received through SAPIO.	05 days shall be added to the time period indicated at Sl. No. 1 & 2
4.	Supply of information if application / request is received after transfer from another public authority : (a) In normal course. (b) In case the information concerns the life or liberty of a person.	(a) Within 30 days of the receipt of the application by the concerned public authority. (b) Within 48 hours of receipt of the application by the concerned public authority.
5.	Supply of information by Organisations specified in the Second Schedule : (a) If information related to allegations of violation of human rights. (b) In case information relates to allegations of corruption.	(a) 45 days from the receipt of application. (b) Within 30 days of the receipt of application.

[ Part IV(21) of Guide Book on RTI Act, 2005]

**CHAPTER - III**  
**FEE PEK TUR LEH PEK NGAI ZAT TLANGPUITE**  
**[Payment of Fees ]**

1. RTI Act, 2005 hnuaih Information dilna man (Application Fee) hi Rs.10/- a ni a, dilna theh luh rualin pek nghal tur a ni a, Receipt pawh lak thin tur a ni.

[ Rule 3(1)&(2) of the Mizoram RTI Rules,2010]

2. Application Fee tel lo dilna chu RTI Act hnuaih dilna tling a ngaih a ni lova. Amaherawhchu, SPIO-in lainatna/hriatthiampuina (sympathy) avang erawh chuan Fee tel lo dilna chu dilna tlingah a pawm thei ang.

[ Part IV(2) of Guide Book on RTI Act, 2005]

3. A hnuai a point-ahte hian information diltuin Fee a chawi a ngai lo:

(a) BPL member-in BPL hamthatna lam thil a zawhin;

(b) Hun bituk chhunga SPIO-in information dilna a pek lohin;

(c) Section 4 of the RTI Act, 2005-in information ziaak a tarlan tur leh puanzar tur a tihte Public Authority-in a puan zar lohin.

[Rule 6 of the Mizoram RTI Rules, 2010]

4. SPIO hnen atanga information chhanna lak chhuah dawnin, Copy siam ngai a awm chuan hetiang hian Fee pek tur a ni:-

Sl. No	Particulars of Document	Cost of Supply Fee
1.	A-4 size, emaw A-3 size phekkhat zelah	Re. 1/- zel.
2.	A chung a tarlan aia lianah chuan	Actual charge or cost price.

3.	Samples or Models	Actual cost or price
4.	Inspection of records	Darkar khat chhung chu en man a awm lo phawt a. Hemi aia reiah chuan darkar khat zelah Rs.5/-chawi tur a ni.
5.	Soft Copy a pek a nihin C.D pakhat zelah	Rs.30/- zel.
6.	Printed Form a pek a nih chuan	Senso ngai zat ang ang.
7.	Photo Copy siam chhuah ngai a nih chuan pheh khatah	Re.1/- zel.

[ Rule 4 (a) to (f) of the Mizoram RTI Rules, 2010]

5. Application Fee leh Supply Fee-te hi Pawisa fai or Treasury Challan or Demand Draft or Bankers Cheque or Indian Postal Order-te hmangin a pek theih a ni.

[Rule 3(1) & Rule 4 of the Mizoram RTI Rules, 2010]



**CHAPTER - IV**  
**Zualko vawikhatna**  
**{first appeal}**  
**zualko theihna ground-te**

(i) RTI Act hnuaiah chuan Information dilte hi, hun bituk chhungin SPIO-in a chhanna a pe tur a ni a. Pek chhuah theih loh chi a nih emaw, Fee pek belh ngai a nih emaw chuan thil awmdan diltu hnenah a hrilh tur a ni. Mahse, diltuin hun bituk chhunga SPIO hnen atanga chutiang lam thu leh hla engmah a dawn loh chuan, DAA-ah First Appeal a thehlut thei a ni.

(ii) SPIO thu tlukna siamah Information diltu a lungawi loh chuan First Appeal a theh lut thei a ni.

(iii) Third Party chu information pek chhuah chung changah, SPIO thutluknaah a lungawi loh chuan DAA-ah First Appeal a thehlut thei a ni.

[Section 19(1) & Section 11(4) of the RTI Act, 2005]

[Part V(2 & 3) of Guide Book on RTI Act, 2005]

**ZUALKO VAWI KHATNA THEH LUHNA TUR :**

Zualko vawikhatna (**First Appeal**) chu Chiang leh tawi fel tak a ziakin, a concerned Departmental Appellate Authority (DAA)-ah theh luh tur a ni. Zualko-na Fee chawi a ngai lo.

[Section 19(1) of the RTI Act , 2005]

**ZUALKO VAWI KHATNA THEHLUH HUN CHHUNG**

Thuremna dawn atanga ni 30 chhungin thehluh tur a ni. Ni 30 chhunga thehluh lohna chhan leh vang tha tawk a awm nia DAA-in a hria a nih chuan, ni 30 hnu lamah pawh thehluh theih a ni.

[Section 19(1) of RTI Act, 2005.]

**ZUALKO VAWI KHATNA THEHLUH DAWN A HRIAT TUR LEH DOCUMENT  
THIL TEL NGAI TLANGPUITE**

Zualkona thehluh dawn a hriat tul leh Documents thil tel ngai eng emaw zat a awm a. Chungte chu **Rule 7(1) & (2) of the Mizoram RTI Rules, 2010**-ah chiang takin ziaak lan a ni a. He lehkhabu tawp lamah entheihin dah a ni.

**ZUALKO VAWI KHATNA CHINFEL HUN CHHUNG**

Departmental Appellate Authority chuan zualkona a dawn atanga **ni 30** chhungin First Appeal chu a chingfel tur a ni a. A theih loh chuan, a chhan leh vang ziaak a dahin, ni 45 aia rei lovah chingfel tur a ni.

[Section 19(6) of the RTI Act,2005]

**CHAPTER - V**  
**Zualko vawihnihna**  
**[second appeal]**

**ZUALKO THEIHNA GROUND-TE**

- (i) RTI hmanga First Appeal thehluhah, huntiam chhunga DAA-in thuremna engmah a siam lohin;
- (ii) First Appeal a DAA thu remnaah information diltu a lungawi lohin;
- (iii) First Appeal a DAA thuremnaah SPIO a lungawi lohin;
- (iv) SPIO thutluknaah Third Party a lungawi loh chuan DAA-ah First Appeal a thehlut thei a. Chuta a la lungawiloh zel chuan Second Appeal pawh State Information Commission-ah a thehlut thei a ni.

[Part III(9) of Guide Book on RTI Act, 2005]

**ZUALKO VAWI HNIHNA THEH LUHNA TUR**

Zualko vawihnihna (**Second Appeal**) chu Chiang leh tawi fel tak a ziakin, **Information Commission**-ah theh luh tur a ni a, Appeal Fee pek a ngai lo.

[Section 19(3) of the RTI Act 2005]

**ZUALKO VAWI HNIHNA THEHLUH HUN CHHUNG**

Thuremna dawn atanga **ni 90** chhungin **Second Appeal** chu thehluh theih a ni

a. Information Commission-in ni 90 chhunga thehluh lohna chhan leh vang tha tawka awma a hriat chuan, ni 90 hnu lamah pawh thehluh theih a ni.

[Provisio of Section 19(3) of RTI Act, 2005]

## ZUALKO VAWI HNIHNA THEHLUH DAWN A HRIAT TUR LEH DOCUMENT THIL

### TEL NGAI TLANGPUITE

Zualkona thehluh dawn a hriat tul leh Documents thil tel ngai eng emaw zat a awm a. Chungte chu **Rule 7(1) & (2) of the Mizoram RTI Rules, 2010**-ah chiang takin ziaak lan a ni a. He lehkhabu tawp lamah entheihin dah a ni.

### THIRD PARTY INFORMATION

1. RTI Act hnuai a Information dil chu **Midang** (Third Party) khawih tel thil a nih chuan, SPIO-in information pek theih a nih leh nih loh a ngaihtuah phawt ang a. Pek theih nia a hriat chuan, dilna a dawn atanga **ni 5** chhungin **Third Party** kha amah khawih tel information pek a remtih leh remtih loh **ni 10** chhung a hrih turin a hriattir ang. Chumi hnuah third party remtihna emaw, remtih lohna emaw kha ngaihtuah telin, **ni 40** chhungin a diltu hnenah chhanna pek tur a ni. A thu tlukna chu Section 19 of RTI Act, 2005 hnuai a appeal theih a ni tih a hriattir bawk tur a ni.

[ Section 11 (1)(2)(3)&(4) of the RTI Act, 2005]  
{Part IV(23-25) of Guide Book on RTI Act, 2005 }

2. Sumdawnna thuruk, **danin** a humhalh sakte a nih ngawt loh chuan, mipui tan a hamthat zawkna tur (public interest)-in, **Third Party** tan a thil pawl awmtheite a buk rih zawk chuan, pek chhuah tur a ni. SPIO thurel copy chu Third Party pawh pek ve tur a ni a, **Appeal** theih a ni tih hriattir bawk tur a ni.

[ Section 11 (1) of the RTI Act, 2005]

**HREMNAE**  
**[PENALTIES]**

SPIO-in Information pek chhuah chungchangah harsatna a siam tlat a, chu thil hriat chian duh chu RTI dana pek chhuah theih chi a nih bawk si a, a pe chhuak duh lo a nih chuan, Information Commission-in SPIO chu a chawitir thei a ni. Thupek a zawm loh ni atanga chhiar tanin ni tin **Rs. 250/-** zel, Information a pek hma chuan a chawi tur a ni. Mahse, a pawisa chawi zawng zawng chu **Rs. 25,000/-** aiin a tam tur a ni lo.

Tin, SPIO thuawih lo chungah **service rules**-in hremna dan a siam zul zui a hrem turin, Information Commission-in a Controlling Officer hnenah **rawtna** (recommend) a siam thei bawk a ni.

[Section 20(1)(2) of the RTI Act 2005]

He Booklet hi RTI Act chungchanga inkaihhraina tlangpui tarlanna a ni a; inngahna ber atan chuan The RTI Act, 2005 leh The Mizoram RTI Rules, 2010-te hman tur a ni.

**ACT NOT TO APPLY TO CERTAIN ORGANISATIONS**

Nothing contained in this Act shall apply to the intelligence and security organizations specified in the Second Schedule, being organizations established by the Central Government or any information furnished by such organizations to that Government:

Provided that the information pertaining to the allegations of corruption and human rights violations shall not be excluded under this sub-section:

[Section 24 of RTI Act, 2005]

RTI Act- a “Second Schedule” hnuaiah Central leh State Intelligent leh Security Organisations thenkhatte chu “Exemption” pek an ni a. Chutichung chuan Chapter VI Section 24-ah chuan “Corruption lam thil leh Human Right bawhchhiatna lam thilah chuan heng Organisations leh an hnuaia thawkte pawh hi RTI Act hnuaiah Exempt an ni bik lo a ni.

[Proviso of Sec. 24 (4) of the RTI Act, 2005]

**REVISED LIST OF EXEMPTED ORGANISATIONS  
UNDER CENTRAL GOVERNMENT AS PER SECOND SCHEDULE**

1. Intelligence Bureau, Ministry of Home Affairs
2. Directorate of Revenue Intelligence, Ministry of Finance
3. Central Economic Intelligence Bureau, Ministry of Finance
4. Directorate of Enforcement, Ministry of Finance
5. Narcotics Control Bureau
6. Aviation Research Centre
7. Special Frontier Force
8. Border Security Force, Ministry of Home Affairs
9. Central Reserve Police Force, Ministry of Home Affairs
10. Indo-Tibetan Border Police, Ministry of Home Affairs
11. Central Industrial Security Force, Ministry of Home Affairs
12. National Security Guard, Ministry of Home Affairs
13. Research and Analysis Wing of the cabinet Secretariat
14. Assam Rifles, Ministry of Home Affairs
15. Sashastra Seema Bal, Ministry of Home Affairs
16. Special Protection Group
17. Defence Research and Development Organization, Ministry of Defence
18. Border Road Development Organization
19. Financial Intelligence Unit, India
20. Directorate general Income Tax (Investigation)
21. National technical Research Organisation
22. National Security Council Secretariat.

**MIZORAM SAWRKAR –IN A DIN INTELLIGENCE LEH SECURITY  
ORGANISATIONS**

**RIGHT TO INFORMATION ACT, 2005 –IN A HUAM TEL VE LOHTE**

1. State CID Special Branch and District Special Branch including Narcotic Cell.
2. State Police formations at all levels dealing with security of vital installation including Airport security and protected persons, procurement and disposal of sophisticated security equipments for maintenance of security and intelligence operations, disclosure of which may

lead to breach of security.

3. State Police formations at all levels dealing with result of examination of exhibits in Forensic Science Laboratory which may jeopardize investigations of prosecution;
4. State Police Intelligence and Security Organisations or formations at all levels dealing with deployment and movement of Mizoram Police personnels including armed and unarmed.
- 5 State Police Intelligence and Security Organisations or formations at all levels dealing with matters relating to special operations for maintenance of internal security, Law and Order.
6. State Police Intelligence and Security Organisations or formations dealing with subjects concerning negotiations/settlements of militants, insurgents, extremist and anti-social elements and all matters relating to cover and overt operation against them.

[Notification No.F.13011/6/2005-IPR dt.27.03.2007]

## **RTI SUCCESS STORIES**

Kum 2005-a India ramah RTI Act hman a lo nih atangin, kalphung fel leh awmze nei tak a lo inher chhuak a. India ram mipui leh thalaite tan ram rorelna leh inawpna danahte, langtlang rorelna hmang a thil hriat duh hriat theihna kawl a lo eng ta a. Helna rilru atangin Chonaah, Naupangte te te pawhin RTI hmang tangkaiin leh RTI Activist-te pawhin Sawrkar bitum mai lovin, Dan chhung atangin, midangte nen a tangtlangin, anmahni mimal hamthat nan mai ni loin, sawrkar pawh a kal dik theih nan leh eiruknate ven a lo nih theih nan, in relbawlna leh inawpna langtlang a lo awm tan ta a. India ram dung leh vang a Zirilaite pawhin RTI hmangin an thiamna leh theihnate chu ram leh hnam tan an hlan ta mek a ni.

**1. CLASS V DROP OUT-IN RTI A HMANG TANGKAI:** Kum 44 mi Pu Rayabhai Zapadiya, Verval khua a cheng Jasdan Taluk of Rajkot District, Gujarat State a Loneitu pakhatin RTI thiltihtheihna leh chakna a hman tangkai dan leh midangte a entir dan chu hetiang a ni:-

An khua a tui harsatna tih ziaawm a nih theih nan State Sawrkar chuan kum 2007-2008 khan Tui Pipe phum nan sum eng emaw zat a sanctioned a. Mahse, Pu R.Zapadiya chuan Tui Pipe phum chungchangah chuan, Sawrkar-in tih dan tur a tih ang a tih a ni lo nasain a hria a. Thil awmdan chu an khawchhung roreltute (Village Panchayat) hnenah a thlen pawhin chhanna

fumfe leh mumal a dawng silova. Kum 2008, June thlaah chuan, a vawikhatna atan RTI DAN hi hman tangkai a ngai a ni tih hriain, Information Commission-ah a Zualko ta a.

Tichuan, Gujarat Information Commission chuan Order siamin, Pu R.Zapadhiya hmuh lai ngeiin Tui Pipe phum chungchang a hnathawh dan chu, endik a teh tha leh vek turin a ti. Chutiang a an han tih chuan, thuneitute chuan thilfelhlel leh inmillio tam tak a awm tih an hmu chhuak ta a. Tui Pipe phum tur sei zawng chu metres 2380 tur a nih laiin metres 1450 chauhphum a ni a; Pipe len zawng leh phum thuk zawngte pawh tih tur a sawrkar-in a tih ang a nilo tih hriat chhuah a ni a.

He thil avang hian, he hnathawktu chuan State Sawrkar-ah pawisa engemaw zat a pekir leh a. Tin, hemi hna enkawltu Additional Assistant Engineer chungah Sawrkar chuan action lain Departmental Inquiry neih a ni bawka ni.

[ Sources from RTI Foundation on 15 May, 2012]

## **2. TUI LAKNA TUR FUND HMAN DIK LOH CHUNGCHANG:**

Mr Vikram Chavda, Kum 45 Nandana Village in Kalyanpur Taluka of Gujarat a mi, lo neitu naran ve mai chuan, Kum 2009 atanga 2011 inkarah, Tuilakna kaihnawih (Irrigation related works) atan a hman tur Rs.8.5 crores chu RTI dan hmangin a hmannate a zawt a. Thuneitute chuan, an record a a lan dan chuan, sum chu tuilian tur venna siam nan (Check dams) leh Ruahtui tla dahkhawlina (rain water harvesting) siam nante a sanction a niin, hna chu thawh zawh vek tawh a nih thu an hrih a.

Mr Chavda chuan an khua a hmasawna hna thawhna tur atana sawrkar-in pawisa a sanction chungchang chu RTI dan hmangin a zawtfiah bawka. Thuneitute chuan Rs.12.00 lakhs chu, hna thawh engmah hmuh tur awm si lovin, contractor hrang hrang hnenah payment an lo pe tih hmuh chhuah a ni a. Hetiang information hriat a nih avang hian, thil diklo tak a titu Contractor-te leh thuneitute lakah hian action la tur a hmalak a ni.

An khaw chhehvel hnai (a bik takin Kalyanpur Taluka of Dwarka a mite, helai hmun a mite hian an Lo leh ram vel atan tuilakna tha an mamawh em em a) a awm te'n an rawn panin Mr Chavda chuan a theih tawpin hma a lo lak pui thin a. Hetiang hian hun eng emaw



chen chu hmasawna kaihnawih thil tam tak RTI hmangin a lo buaipui tawh thin a; hun lo kal leh zel turah pawh tih chhonzawm zel a tum a ni.

[Sources from RTI Foundation on 20 April, 2012]

3. Lucknow khuaa Rajajipuram-a Montessori School a Class-V Zirlaite chuan Mahatma Gandhi chanchin ngaihnaawm ti takin an zir mek a. Chutih lai chuan an zinga hmeichhe naupang zirlai pakhat Aishawarya Parashar, kum 10 mite chuan a ban rawn phar chhuakin, “Tunge Hnam Pa nihna hi hlan?” tiin a rawn zawt a. Ani hi zawhna dangdai tak zawh ching tak a ni reng a; a chhanna hi a hriat hma chuan Prime Minister thleng pawh a zawh chhuah tumin, February ni 13-ah chuan RTI hmangin thuneitute hnenah a zawt ta a.

Parashar hian kum 7 a nih atangin, a Nu tanpuinain RTI Act hi a hmang tan tawh a, he dan hmang zinga a naupang ber a ni bawk. A pawlpui ten an examna chhanna tur an buaipui laiin, ani chuan Court a roreltute nen inhmuh ni tur tiam in, thudik hailan a dikna a lo awm theih nan - Hostela chaw ei tlak loh sem chungchang atanga Ration dawra eirukna inphumte thlengin hriat fai vek a tum a ni.

School Note Book Paper hmang a naupangtein a ziak mai ni mahse, RTI hmanga a zawhna chuan Ram roreltu lu ber Office a thleng a. Prime Minister Office, Home Ministry, National Archives te a kal tlang a, hnam pumpui hriat loh chu vantlang hriat theihin a darh a: Textbook ah te ziah chamchi ni mahse, Mahatma Gandhi chu engtik lai mahin Hnam Pa nihna zahawm tak hi official taka hlan a lo ni lo va. March 26 chuan chutiang lehkhah leh a thilhriat duh chu a awmlo tih Parashar chu hriattir a ni ta a. A duh hun hunah a hriat duh chu Archive-ah a zawng thei ang tih an hrih thung a ni.

Thil lawmawm tak mai chu RTI Dan avang hian a zawhna te chu chhanin a awm thin a. He naupangin RTI a hman avang hian, an sikul bula bawlhhlawh chhek khawm pawh tih fai a lo ni ta a. He hmun hi tunah chuan Public Library atan hman a ni tawh a. Tunah hian Doctor nih a, midangte tana malsawmna nih a tum mek a ni.

4. Bhadresh Vamja, kum 18 mi, Gujarat State a Saldi khua a mi chuan, RTI hmanga nasa tak a hmalain, a thawhrimna zarah, “Ration dawr reng reng in ration sem tur an lak chhuah zat leh an stock mek an puangzar ngei ngei tur a ni,” tiin Gujarat Sawrkar chuan thupek a chhuah phah a ni. Dikna hmang a khawtlang tan a theihtawp a chhuah theih nan, Danhremi

(Lawyer) nih a tum mek a ni.

5. Shri Vivek Vidhya, B. Com zirlai chuan an khua a Fair Price Shop pahnih te'n mipui hnenah Ration an pek chhuah that duhloh chungchang chu hriat chian a duh a. February 11, 2011-ah RTI hmangin, thuneitute hnenah thla tin a Ration dawr a an pek chhuah zat a zawt a. Ahmedabad-a NGO te thurawn angin, an khuaa mipuite kal khawmin beihpui an thlak ta a, RTI hmanga zawhnate zawtin leh police-ah complain theh lutin hma an la a. Ration dawr neitute chuan mipui chanpual pumpui ang chuan an sem ta a ni.

6. Harshavardhana Reddy, kum 22 mi, Pune-a Computer Science Engineering zirlai, RTI hmanga zawhna 300 lai siam tawh chuan RTI a lo tangkaipui tawh thu sawiin, "A manhla khawp mai, a pawimawh ber chu hlahh neih loh leh dawhtheih hi a ni. School or College atanga hnawhchhuah nihte, thenawmte leh thuneitute lungawilo hmachhawnte, chhungte remtihpui lo chung pawh a RTI Dan hmanga rorelna fel lo tam tak hai lan chu hlimawm tak a ni," a ti tlat !

A Passport dil an ngaihtuah that duh lohte, Lo neitu rethei tak tak, sawrkar enkawl Bank ten loan an pek chhuah that duh loh ho tan te, Birth Certificate la chhuak thei lo tante, Ram leh Pass neitu thlak chungchanga harsatna tawh tan te, hlawh leh labour compensation a harsatna tawh tan te, Zirtirtu hlemhle do nan te leh Buhherna khawl in boruak a tih bawlhhlawh tih reh a nih theih nante RTI Dan hmangin hma a la nasa em em a. Reddy chuan "Ka theih tawpin ka tanpui dawn tih an hriat avangin mi engemaw zat hian an harsatna ka hnenah an rawn thlen thin a ni" tiin a sawi.

7. K.M. Sai Kumar, kum 21 mi, RTI case 20 lai siam tawh pawhin "RTI Activist anga ka in chan chang hi chuan ka phur thar sawt thin", tiin a sawi.

A tir teah chuan RTI case pahnih a file a. Heta a hriat duh chu : A skul kalna, a Nu thawhna ni bawh, Government Aided School hi sawrkar hian engang chiahin nge a tanpui tih leh tuna a dinhmun chiah hi enge ni? tih a ni a. A thiltih avang chuan a nu chu hrilhlawkna pawh awm lovin ban a ni a. Mahse, aman a beih zui zelna avangin, a nu chu February thla atangin thawhtir leh a ni. He mi B.Sc student, AV College, Hyderabad Osmania University a in affiliate hian, "Thil diklo awm si, ka paltlang tam tak hian ka thin a khei hle thin a, mahse thla tlemte chhunga RTI ka hman tangkaina hian min chhawkin ka nun pawh a pangngai tan leh

ta. Tunah chuan eirukna do hi ka phur hliah hliah a, Right to Education chungchanga RTI zawhna awm theite ka thlithlai mek a ni”, a ti bawk.

[ Source : SI No.3,4,5,6&7 from India Today issued on 18th June, 2012]

\*\*\*\*\*

8. Adarsh Society Scam : Kum 2008 khan Adarsh Society a thil diklo chungchang RTI hmangin Yogacharya Anandi leh Simpreet Singh-te chuan an hai lang a. Politiciante, Sipai hotute he thilah hian an lo inthlun zawm nasat zia hmuh chhuah a ni. In chhawng 31, Floor 6 neia sak tur hi a tirah chuan indona avanga an pasal ten an thih san Hmeithaite leh War Veteran-te chenna atana tih a ni a. Mahse, an han sak zawh meuh chuan Politician-te, Sawrkar thuneitu (Bureaucrat)-te leh an chhungte chuan flat an insem ta mai a. He thil diklo tak avang hian Ashok Chavan, khang hun lai a Maharashtra Chief Minister pawhin a ban phah hial a ni. Maharashtra State sawrkar a thuneitute pawh chhui zui zel an ni.

9. Public Distribution Scam : Assam a BPL chhungkuate tana ration pek tur diklo taka tihchingpen a nih avangin kum 2007 khan Assam NGO pakhat, Krishak Mukti Samiti chuan RTI hmangin thil awmzia an dil chhuak a. Nasa tak a corruption a lo awm avangin chhui a ni a, sawrkar a thuneitute he thil a mawhphurtu engemaw zat man an ni.

10. Relief Fund hman dik loh chungchang : Kum 2008 khan Punjab a NGO pakhat chuan sawrkar thuneitu, an tualchung Indian Red Cross Society Branch hrang hranga mawhphurtute chuan Kargil War leh Natural Disaster tuarte chhawmdawlina tur sum chu diklo taka hmangin Car-te, Air Conditioner lei nante, an Hotel bill atante leh thildang atana an hman tih hmuh chhuah a ni. Court chuan heng mawhphurtute hi thiamloh a chan tir a. Indian Red Cross Society hmangin chhawmdawlina sum pawh Prime Minister’s Relief Fund-ah dah a ni ta a ni.

11. IIM Admission chungchang a thil diklo : Mit lam thalo, Vaishnavi Kasturi chuan kum 2007 khan IIM, Bangalore a zir turin entrance examination a ti tha hle siin Admission a hmu lo a. Kasturi chuan engvang a admission hmu lo nge a nih leh pianphunga rual a ban loh vang a ni em tih hriat a duh a. He zirna in a zirthei tur a an thlan dan chungchang RTI hmangin a dil a. Admission a hmu lo nain IIM hian admission atana an tehfung pholang turin a duh a ni. Entrance Exam, Common Admission Test (CAT) hian Class 10 & 12 result aiin ngaihpaawimawh a hlawh loh zia he RTI hmanga a thil dil atangin a lo lang ta a ni. A awmzia chu CAT nei tho siin Class 10 & 12

result kawngro an sut tir hle tho tihna a ni a, CAT khan awmzia a nei thui lutuk lo a nih hmel.

[Source: Sl.No. 8,9,10&11 from Vanglaini Daily Newspaper issued on 29.08.2012 ]

## **RTI HMANGA DIL CHUNGCHANG**

RTI Act, 2005 chu kum 6 chuang kan lo hmang ta. Heng hun chhung hian RTI-in a hrin chhuah tha tak a awm a, chutih rualin diltuin dil dan kan thiam tawk loh avanga tul lo a buaina pawh a awm tho mai. RTI hian dil chhuah leh en (inspect) te pawh a huam vek a ni tih hria ila.

Department lama thuneitu, a bikin SPIO/SAPIO-te hi diltu tan kan thian tha leh min pui tura awm an ni tih hriat a tha. A engamah hmaa hmelma en emaw, mi lo lawm lo lutuka ngaih nghal ngawt tur a ni lo. Anni hian an hna buai tak tak karah kan dilna min lo chinfelsak dawn a, min chinfelsak thin bawk a. Chung an buaina chu diltu tan hriatsak a tha em em a ni. Tin, thuneitute pawhin diltute hi lo pawng lawm loh ngawt tur a ni bik lo. Tanpui ngai kan hnena lo kal an ni tih hriat reng tur a ni. Tanpui ngai tanpuitu nih chu a hlu a, a Kristian em em bawk a, chutianga mi nih chu kan chak theuh a nih kha. An right hmangin thil an rawn dil a, chu chu lo welcome loh ngawt theih pawh a ni lo. Inhrethiam tak leh inpawhtlang taka kan indawr hian thil tha a hringchhuak tih hre reng ila.

Diltuin sawrkar mi pawimawhte tihbuai hrim hrim duh ni awm taka documents, en pawh kan en sen loh leh peih loh tur dil hi a fel lo khawp mai. Chutianga min rawn dil chuan inspection nei tura inbiakrem a tha, a tlawm zawk em em bawk si a. Inspection mai tura SPIO/SAPIO ten minlo tih pawhin diltu chuan luhlul chhuah mai lovin lungawi ve mai tur a ni. Hei hi information tam tham leh buaipui hautak bikah a remchang hle a, a tlem thamah chuan a tul kher lo thei. Diltuin a duh kher kher a nih loh chuan. Inhriatthiamna nena thil tih a nihin intanpuitawn chakna a awm a, chu chuan RTI implementation-ah a tha zawngin nasa takin a tanpui a ni.

Right kan neih reng reng hi uchuaka hman atana siam a ni lo va, ram leh khawtlang thattlanna atana siam a ni tih hre reng ila. RTI hmanga dilna uchuak awm fo hian sawrkar thuneitute a tiluhai thin a ni tih hria ila. Chuvangin inhriatthiamna leh indawhtlang taka

sawrkar thuneitu leh mipuite hi thawkho tur kan ni a, chutianga thawhhona rilru pu chung a kan inpawh chuan he dan hian a tum ram a thleng ngei ang tih ring ila.

Scheme tam berah mipuite (beneficiaries) hriat tur (guidelines) a awm zel a, hengte hi RTI hmanga dil kher ngai lovin thuneituten an pechhuak mai tur a ni. Kan pek chhuah tawk loh avanga RTI hman kher ngai hian min tibuai thin tih hi thuneituten kan hriat a pawimawh hle. Tul lo va mi hun, tha, sum leh pai sentir hi thuneitute tih hauh loh tur a ni. Tin, RTI avanga sawrkar lama mawhphurtute hna rawn pung ta hi phun nana hman loh a tha. Thil dang avang pawhin kan hna chu a pung, kan phun chuang lo. Kan hna zinga telvea ngaih mai hian a hahdamthlak ang.

[Source from Vanglaini Newspapers issued on 7th September, 2012]

### **RTI DAN HNUAIA THIL TANGKAI HRIAT TUL THENKHATTE**

1. Mahni Annual Confidential Report (ACR) or Annual Performance Appraisal Report (APAR)-te hi RTI Dan hmangin a copy dil chhuah theih an ni.

[ R.M.Gupta Vrs Railway Board, Rail Bhavan, New Delhi. File No.CIC/AD/A/2012/000600 (RTRI II(2012)173 (CIC)] & {Pradeep Sharma Vrs Airport Authority of India, New Delhi. Case No.CIC/ SS/A/ 2012/000191 [RTIR III (2012 )120 (CIC]}

2. RTI Dan hmangin Candidate chu ama Answer Papers enfiah (inspection) phal sak theih a ni a; a copy pawh a dil chhuak thei a. Amaherawhchu, endik that leh (Re-evaluate) chu RTI huam chin piah lam a ni.

[CBSE Vrs Aditya Badhopadhyaya, Civil Appeal No.6454/2011 dt.09.08.2011] & [ Hemanth Singh Vrs Rashtriya Sansthan, New Delhi. Date of Decision 28.05.2012 (RTIR III(2012)38(CIC)]

3. BSNL in Rajbhasha Adhikari Exam a buatsaih a Paper I & Paper II a Candidate-te Mark hmuh zat chu Exam beitu zing a pakhat chuan RTI dan hmangin a zawt a. CPIO chuan Section 8(1)(j) of the RTI Act, 2005 hnuaiiah Third party information a khawih tel avangin pek chhuah theih a ni lo a ti a. FAA pawhin CPIO thutlukna chu a nemnghet a.

Information Diltu chu lungawi loin CIC-ah Second Appeal a thehlut a. A tanchhanah chuan merit list-ah 5-na a awm chu a dik reng em? tih leh, midangte nen an mark hmuh inthlahna engzat nge? tih a hre duh niin a sawi a. CAPIO erawh chuan candidate tinte mark hmuh zat chu mimal thil a ni a, vantlang thil a ni lova. Tin, candidate-te mark hmuh zat pholan hian unwarranted invasion of the privacy and social embarrassment a thlen thei ang tiin a tang thung a.

Central Information Commission chuan hemi thua hian, ni 31.05.2012-ah thutlukna siamin CPIO chu Exam a hlawhtling zawngte mark hmuh zat chu, applicant hnenah pe turin a hriattir a ni.

[Decision No.CIC/LS/A/2011/000159/BS/0272 and  
Appeal No.CIC/LS/A/2011/000159/BS [RTIR III(2012)/46/(CIC)]

RTI Case-ah chuan, Information Commission thu hi thu tawp a ni a.

Information Commission thuremna a lungawilo tan zualko lehna dang a awm chuang lo.

The decision of the Central Information Commission or State Information Commission, as the case may be, shall be binding.

[Section 19(7) of RTI Act,2005]